

後序

事有似緩而實急者州縣之志
是也古者國必有史今之州縣
卽古之侯國使其於土地人民
因革損益缺畧而不備守土者
烏能辭其責况遂城近在

畿內漸被尤深文獻之徵顧不重
哉丙申秋予自楚北解組入都
道經肅邑邑宰郭公子侄倩也
假館款留作平原十日飲公餘
晤語輒以邑乘殘缺百年來未
經續修爲憾且因子適賦閒居

欲以此事見屬子思

聖天子稽古右文名山石室之藏蒐
羅殆盡雖日下舊聞猶且開館
纂修裨官小說苟足以資考訂
而備採摭者靡不收錄而況一
邑之志民生之休戚賦役之繁

重職官之賢否風俗之美惡古
今時勢之變遷城郭橋梁之廢
置以至孝子順孫義夫節婦其
可歌可泣以信今而傳後者皆
不可以湮沒而不彰則公之慤
慤然以修志爲念豈非所見者

大而自期者遠歟嗣子有都門
之行旋返故里三年來僕僕車
塵馬足間遂爽所約而予心每
耿耿焉戊戌春恭叨

恩命捧檄三輔歲杪綰符肅邑私心
竊慰庶幾可償夙願比下車乃

知前邑侯張公已先我而爲之
矣其義例之詳明筆墨之雅潔
實有目所共賞顧不具論獨喜
郭公與予有志未逮而深歎賢
侯之先得我心也開雕將竣特
附序言以道其顛末云

乾隆歲次己亥秋七月穀旦

賜進士出身文林郎知安肅縣事山

左李 策題

補修安肅縣志序

尼父言禮必徵文獻邑之有志
文也而獻在其中而合邑志以
成郡乘合郡乘以爲國史使一
代之典章燦然大備志之爲書
顧可缺哉安肅爲三輔華區九

途要地龍山鳳嶺峯巒盡拱

神京鐵遂銅梁形勝久雄

甸服以故英光傑氣代不乏人況

經我

朝

重熙累洽百六十餘年沐

日月之光華人文蔚起荷

洪鈞之鼓鑄景物咸新較之前世蒸

蒸日上已梁也承乏斯邑卽攷

舊章乃文詞紀叙彬蔚可觀而

簡斷編殘缺畧特甚粵稽此志

雖首創刻於前明已四續修於

聖代最後成於乾隆四十三年迄今
僅三十載耳殘缺若是再更因
循不將漫無可據文逸而獻亦
難徵散而未收史採而事何可
信用是偕廣文李君解俸鳩工
勸捐倡梓訪舊父之完帙爲新


刻之成書缺者補之訛者正之
不敢一篇之薛鼓不使一字之
魯魚庶忠孝節義仍彪炳於光
天化日之中政蹟山川悉全備
於星壤神臯之下若夫傳采幽
光補前人所未及旁搜逸德續


近今所宜登則梁也執掌靡寧
風塵況瘁是仍有待於後之君
子云爾時

嘉慶十三年歲次戊辰桂月上
浣知安肅縣事陳留石梁撰

欽定四庫全書

城鄉圖





縣城圖

